

Dissertatio medica inauguralis, de opio quaedam complectens / [Edward Harrison].

Contributors

Harrison, Edward.
University of Edinburgh.
Royal College of Surgeons of England

Publication/Creation

Edinburgi : Balfour et Smellie, 1784.

Persistent URL

<https://wellcomecollection.org/works/jxzat5hs>

Provider

Royal College of Surgeons

License and attribution

This material has been provided by The Royal College of Surgeons of England. The original may be consulted at The Royal College of Surgeons of England. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.




Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

105

Tracts 2002 (1)

105



PC5

D I S S E R T A T I O M E D I C A

I N A U G U R A L I S,

D E

O P I O

Q U Ä D A M

C O M P L E C T E N S.

АРИСТИ ОІТА ТЯНІЗАІС

ЗІЛА ЯНДУАИ

на

С І С

и а о т ъ

з и х т о п л и м о

C.S. Shennington -

DISSERTATIO MEDICA
INAUGURALIS,

D E

O P I O

Q U A E D A M,
C O M P L E C T E N S.

Q U A M,
A N N U E N T E S U M M O N U M I N E ,
Ex Auctoritate Reverendi admodum Viri,

D. GULIELMI ROBERTSON, S. S. T. P.

A C A D E M I Æ E D I N B U R G E N Æ Praefecti;

N E C N O N

A m p l i s s i m i S E N A T U S A C A D E M I C I consensu,
E t n o b i l i s s i m a e F A C U L T A T I S M E D I C Æ decreto,

P R O G R A D U D O C T O R I S ,

S U M M I S Q U E I N M E D I C I N A H O N O R I B U S E T P R I V I L E G I I S

R I T E E T L E G I T I M E C O N S E Q U E N D I S ;

E r u d i t o r u m e x a m i n i s u b j i c i t

E D V A R D U S H A R R I S O N ,

A N G L U S ,

S o c i e t . R e g . M e d i c . S c o t i c . S o c . E x t r a o r d i n a r i u s ;
P r a e f e s A n n u u s .

E T

S o c i e t a t i s C h . P h y s i c a e S o c i u s H o n o r a r i u s ;
P r a e f e s A n n u u s .

N E C N O N

S o c . R e g i a e A n t i q u a r . a p u d S c o t o s ;
S o c . C o r r e s p o n d e n s .

A d d i e m 24. J u n i i , h o r a l o c o q u e s o l i t i s .



E D I N B U R G I :
A p u d B A L F O U R e t S M E L L I E ,
A c a d e m i a e T y p o g r a p h o s .

M,DCC,LXXXIV.

ДОДЕМ ОТ А Т Я Н А
Д А И Я У С И А Н

20

О И П О

ИМЕНИ
СИЕ ТОЧНО
МАУ
ЗИМИН ОЖИЛЯТИИ
Д А Т ГУЛЬМИ РОРРЕЙОН ЭР

И М Е Н И П О Ч КИ Д А Т А М І А ДА

КОН

ГУЛЬМИ ЗА ВИТАИКІМ БІГІМ

ГІДАМІ ЧАРДАКЛАСЫНДІРМЕДІ

Д А Т ГУЛЬМИ СКАДАУС

АСАДАСЫНДІРМЕДІРІМІСІ

БІГІМІСІНДЕМІСІНДЕМІСІ

ІНДІРІМІСІНДЕМІСІНДЕМІСІ

ЕДАДАДЕ МАРІ

А Н Е Т І С

ГЕДІСІР ГЕДІСІР ГЕДІСІР ГЕДІСІР

ІНДІСІР АНДІСІР

ІН

ГЕДІСІР СІР ГЕДІСІР ГЕДІСІР ГЕДІСІР

ІНДІСІР АНДІСІР

ІНДЕ

ГЕДІСІР ГЕДІСІР ГЕДІСІР ГЕДІСІР

ІНДЕ АНДЕ

Reverendo, illustri, ornatissimoque viro

G A L F R I D O H O R N B Y,

WINWICK IN COMITATU LANCASTRIÆ RECTORI,

Neque ut familiae dignitatem,

Neque ut morum suavitatem, comitatemque,

Propter quas omnes te merito colunt,

Perlustrem,

Hanc tibi dissertationem dico ;

Sed potius ut, quae nunquam

Meis confanguineis erit facultas rependendi,

Beneficiorum tuorum haud immemor esse videar :

Nec

Reverendo illius ordinis patre

CATERINO HONORI

Musica in Comitatu Fossense

Musica in Comitatu Fossense

Musica in Comitatu Fossense

L'opere d'arte antica o moderna codice

Foto Gianni

Hanno già diffusa l'edizione di Ces.

Scop bontate di' durezze e crudeltà

Mais congeuineas ou' talentes lebedevant

L'edizione fiorita p'nt' un'umor de' r'p'nt'

Nec non,
Viro spectatissimo
P A U L O H A R R I S O N,
A R M I G E R O;
IN LANCASTRIÆ COMITATU
Chirurgo perito,
Patruo suo semper colendo,
Ob innumera beneficia, et documenta,
Praesertim de variolarum infitione,
Quam artem ipse inter primos exercuit,
Et felicissima experientia ampliavit.

Valete,
Viri optimi,
Et inter inumeros vobis devinctissimos
Semper habite devotissimum

E D V A R D U M H A R R I S O N.

Mr. Law
of Boston
with the best Wishes
of his sincere friend

W. Garrison

ADDENDA ET CORIGENDA.

Page 11 *pro solo lege* foli.

— 24 *pro quos lege* qui.

— 24 Supple FEBRES.

— 31 *pro praestant lege* praestat.

Et alia plurima, quae auctoris incuria fuit.

EDWARD M. HARRISON

D I S S E R T A T I O M E D I C A,

I N A U G U R A L I S,

D E

26 NOV 34

O P I O.

Q U Ä D A M C O M P L E C T E N S.

P R O C E M I U M.

IN medicinae munera summosque honores ingressurus
varia argumenta evolvebam, quid utile esset, quid non,
pendebam. Tandem ut de opio conscriberem me impulit
rei dignitas, et momentum. Ex innumeris fere pharma-
cis, quae fors obtulit, aut solers hominum ingenium exqui-
sivit, plurima, verborum ritu, obsolescunt, non pauca, ad
mutabilem labentis aevi opinionem renascuntur, vicissim
peritura. Opii autem apud omnes stat perennis honor.

† A

Quinimo

Quinimo, inquit Sydenhamus, ita necessarium est in hominis periti manu, ut sine illo manca sit ac claudicet medicina; item Platerus et Sylvius aiunt, fe nolle esse medicos, si opium non esset. Idcirco meas, atque omnium, qui medicinam colunt, partes esse judicavi opii proprietates, et varios effectus ex probatissimis auctoribus colligere, et in schedis ordinatim reponere; unde, veluti ex promptuario, copiam utilium rerum in gravibus subitisque casibus expeditissime haurire possimus. Quae proinde collectanea in proprium usum subsecivis horis comparavi, haec amplissimae académiae bona venia in lucem profero; non eo quidem orationis nitore, quo exoptasse, concinnata; neque lucido forsan ordine, quem res desiderat, disposita. Hoc autem nomine apud meos judices me excusatum volo speroque, quod opus non minus difficile quam grave et necessarium aggrediar. Non animus, non industria; sed spatum et vires defuerunt.

C A P U T I.

§. I. *Opii naturalis historia, ejusque in vetere medicina existimatio*, a Clerico, Friendio, Alstono, et Trallesio petendae, qui, quaecunque huc pertinent, ex optimis fontibus collegerunt,

collegerunt, et fusius, quam hic fieri potest, exposuerunt. Convenit tamen, opinor, contractiorem harum rerum historiam, quasi per introitum ad proprium hujus opusculi negotium, inire.

Papaver somniferum calycibus capsulisque glabris; foliis amplexicaulibus incisis,] Linn. Spec. Plant. ea papaveris species est cuius omnes, quotquot fint, varietas opium praebent. Asiae calidioris vera incola habetur. In Europae australis quoque arvis hortisque satis laete floret. Opium vero omne, quod in officinis prostat, ex India, Persia, uti et ex Ægypto, advehitur.

Dioscorides et Plinius duplicem papaveris succum commemorant; eumque, qui ab incisis capitulis concrescit; opium, qui ex capitulis cum foliis contusis exprimebatur, Meconium vocarunt. Prius horum, Bontio auctore, Affion est Indorum, qui vilius etiam extractum, nomine Pouſt; ex foliis et caulis per decoctum parant. Sed extractum stirpis, item succus ab expressione insipissatus, multo minus resinae, atque adeo efficaciae, quam verum opium, habere Alſitono deprehenduntur. Dubitarunt plurimi an hodiernum in Europa venale opium ejusmodi esset, quod incisa capitula exfudant; verum potius meconium esse censentes; parciore;

parciore, ut illis visum, prioris proventu industi. Praeterquam vero quod opium ex indigeni papaveris capitulis per incisionem paratum orientali opio omnibus notis simile fit; recentes et fide dignos habemus auctores hanc conjecturam refellentes; et in his perspicacem Kerr, qui, quomodo ab ipsis capitulis eliciatur genuini opii copia ad medicinae et commercii commoda, exemplo Indorum edoctus explicat narrat *.

Hippocrates opium nostrum ignoraret, an potius ab ejus usu abhorreret parum constat, aut refert. Celsus quidem rem medicam Graecorum et Romanorum exponens, lacrymae papaveris meminit inter anodyna, quibus tamen uti, nisi nimia necessitas urget, alienum esse existimat. Deinde Galenus, cum de opii noxis refrigerantibus nescio quid somniavit, diuturnam et immeritam infamiam divino remedio intulisset. Etsi enim antiqui medici quaedam medicamenta, quae epium continent, magnifice efferebant, non adeo multam tamen opio virtutem tribuisse videntur, quod farragine immensa alexipharmacorum obscurare et coercere folliciti erant, quasi ipsum antidotum suis etiam antidotis egeret. Hujusmodi sunt Philonium a Philone inventore

* Lond. Med. Obs. et Inq. Vol. 5. Art. 28.

inventore dictum, Galeno laudatum: Mithridatum Democratis, de quo Plinius glorioius praedicat: Theriaca Andromachi archiatri Neronis: Item Pilulae de cynoglossa, quae Trallianum auctorem habent. Ita factum est ut posterioribus seculis, dum Galeni auctoritas praevalebat, timide et inscite adhiberetur. Iatrochymica secta suam opio vindicabat famam. Inde autem cooperunt agitari quaestiones de elementis chymicis.

Alii tunc in falino quodam principio, alii in sulphureo, vim opii omnem residere conjectabant. Pluribus autem adhuc visum est virtutem ejus anodynam deletrice quadam noxa contaminari, cuius igitur expulsionem, aut mitigationem, pro suo quisque more et praejudicio, sibi proposuit. Et hae quidem de natura opii opiniones priore seculo increbruerunt.

§ 2. *Opii analysis et praeparatio; Analysis chymica fortiore igne facta, ut in explorandis opii proprietatibus, sic in ejus praeparatione, fere inutilis est.* Ea enim deturban-
tur et dissipantur principia, quae aliud concretum ab alio
naturaliter distinguunt. Itaque magis ad rem pertinet
solutio leni calore menstruisque idoneis facta. Hujusmo-
di experimentis compertum est opium ex gummi cum ae-
quali

quali fere parte resinae constare. Haec alcohole, illud aqua optime extrahitur. Tam arctus vero est inter utrumque nexus, ut aqua resinae partem, et spiritus vini rectificatus multum gummi abripiat. Spiritus vini tenuior, vinum quoque generosum, utramque partem solvit. In utravis horum, si opium infundatur, medicamentum habes ad omnes opii effectus praestandos idoneum. Annō paulum diversos, vel potius debiliores praestet syrups capitum papaveris, dubitandi locus est; quum diuturna opii ex aqua coctione pars ejus resinosa resolvi, et oleofam spumam dimittere videatur †. Avolat etiam inter decoquendum graveolens vapor, quem tinctura servat. Et hac praeципue de causa infusa, decocta, et extracta, quae per aquam fiunt, singula, tanquam mitiora quam ipsum opium, aut meracior ejus resina, a plurimis aestimantur. Missa facio caetera artificia fere innumera, quae opii emendandi, vel mitigandi causa, proposita fuerunt; quum nulla sit adhuc inventa methodus, quae noxas pellat, et salutarem ejus efficaciam non simul minuat. Nimirum, quod de potentissimo quoque remedio, idem de opio dicendum sit, noxa in abusu est.

“ Nil prodest quod non laedere possit idem.”

C A P.

† Neuman. Chem.

C A P U T II.

His praepositis, ad effectus opii veniendum est: Quos, quum aliter atque aliter, pro corporis constitutione, consuetudine, pro modo quoque, et tempore utendi, eveniant, ad certa capitula referam; ita enim exceptiones, et varietates ex his causis natae, distinctius adnotari possunt. Ac primum ab effectibus ejus in sanum corpus ordinandum est.

§ 1. *Pulsus arteriarum paulisper frequentiores, deinde rariores facit.* Trallesius multarum rerum, quas et ipsi quoque secuti sumus, auctor bonus asseverat, et a minuta, et a largiore opii dosi, motum sanguinis augeri, pulsusque accelerari; quamquam, vel finita operatione, vel aucta ultra modum dosi, quae necem adferre possit, eveniat ut pulsus ex celeri tardus et debilis reddatur. Boerhaavium, Friendium, Hallerum, caeterosque magni nominis auctores, adducit docentes motum sanguinis ab opio augeri. His ergo opium inter remedia, quae cor arteriasque recta stimulant, annumeratur. Contra, Willisius, Hoffmannus, Whytt, aliique plures, pulsus ab eo rariores et debiliores fieri

fieri affirmarunt : Nec unquam vim stimulatricem ex mediocri ejus dosi agnoverunt. Tantum mihi non arrogo ut hanc controversiam dirimere possim. Id saltem notatum velim, quod saepe nimis confidenter et absolute ex utraque parte pronunciata fuerit sententia, praeoccupato animo concepta, potius quam ex propriis experimentis deducta. Sed et ipsa experimenta aliquos fefeller probabile est ; sunt enim variae erroris causae, quas hic suggerere non alienum est.

1^{mo}, Si vehemens dolor pulsum acceleravit, opium dolorem sedando pulsum quoque sedare potest.

2^{do}, Temere judicaret quisquis eosdem in diversis corporibus effectus ab opio exspectaret. In aliis animum incendit ; in aliis lenit, et somnum citius conciliat. An fieri potest, ut utrisque pulsus pari gressu procedat ?

3^{tio}, Neque utique credendum est experimentis in animalia factis, si eodem tempore, quo opium agat, vinculis et vulneribus torquentur.

4^{to}, Ubi stimulantia medicamenta una cum opio, uti antehac mos fuit, exhibentur, ipsius opii effectus parum discernitur.

gio, Verisimile est male intellectas, aut indiligenter obseratas pulsus mutationes multis occasionem diffensionis praebuisse. Oportet autem ab his erratis absolvere ingeniosum Bard, qui in semetipso et amicis suis vim opii fendantem plus semel expertus est. Bona scilicet valetudine dum fruerentur, opii puri granum cum semissē assumebant, et pulsum numerum, neglectis caeteris arteriae conditionibus, notarunt. Post dimidium primae horae clapsum, pulsus de solita frequentia remittere incepit, et exinde magis ac magis per plures horas rarescere perflitit. Primae autem semihorae intervallum silentio transit auctor †. Hoc pulsus negotium, cum usus opii in multis morbis ab eo pendere videatur, explicare exoptabam; ideoque tanta sequentia, jejuno ventriculo, et requieto corpore, iterum atque iterum suscepi. Unicum primo granum, cum adhuc opio insuetus essem, devorare visum est: Nunquam vero id devorare solitus sum, antequam bene mansum esset, et saliva penitus dilutum. In proxime sequente exemplo, opium intra quartam horae partem ante primam pomeridianam assumptum fuit, quo tempore pulsus 76 singulis minutis micabant.

LXXXVII. 27

†

B

Exper.

† Vid. Bard dissertat. inaug. de opio.

Exper.	1.	Tempora	1	$1\frac{1}{4}$	$1\frac{1}{2}$	$1\frac{3}{4}$	2	$2\frac{1}{4}$
		Pulsus	78	71	68	70	72	69

Tempora	9	$9\frac{1}{4}$	$9\frac{1}{2}$	$9\frac{3}{4}$	10	$10\frac{1}{4}$	$10\frac{1}{2}$	$10\frac{3}{4}$
2. Pulsus	183	202	220	204	200	184	198	194
3. Pulsus	213	221	218	212	204	204	202	184
4. Pulsus	194	197	204	198	200	196	200	195
	590	620	642	614	604	584	600	573

Tempora	11	$11\frac{1}{4}$	$11\frac{1}{2}$	$11\frac{3}{4}$	12	$12\frac{1}{4}$	$12\frac{1}{2}$	$12\frac{3}{4}$
2. Pulsus	195	194	197	198	196	191	185	185
3. Pulsus	196	189	195	186	189	195	179	187
4. Pulsus	186	185	190	193	186	186	183	183
	577	568	572	577	571	572	547	555

Tempora	1	$1\frac{1}{4}$	$1\frac{1}{2}$	$1\frac{3}{4}$	2	$2\frac{1}{4}$	$2\frac{1}{2}$
2. Pulsus	183	179	183	187	184	185	187
3. Pulsus	175	175	179	177	176	181	181
4. Pulsus	186	197	195	194	183	182	180
	544	551	557	558	543	548	548

Dum postremis his experimentis occupatus essem, pulsus ad clepsydram tria horae minuta mensurantem numeravi. Idem singulis diebus jentaculum leve hora 7ma matutina. In 2do experimento opii granum ijs, in tertio grana ii. et quarto iifs assumpsi. Granis duobus deglutitis,

tis, post elapsam sextam horae partem, ex 213 ad 227, id est, ex 71 ad 75 et ultra increbuerunt. A granis iis. elapsis quatuor horae minutis, ex 197 ad 202, vel 66 ad 68. Alias pulsus conditiones non facile est, nisi eruditotactu, discernere. Veruntamen, nisi multum fallor, robur arteriae, et sanguinis momentum, cito post assumptum opium, non mediocriter augebantur. Utrumque autem, post primam horam minui, et hoc eo citius, quo major fuerit dosis, comperiebam. Has vero pulsus notas attendamus oportet, ubicunque de vi alicujus medicamenti stimulante, vel sedante, quaestio est: Namque numero solo, quam tam facile mille res turbant, male creditur. Hoc ipse observavi, quod si quando post primam horam (enim vero ante id tempus omnino quietus eram) leniter in conclavi deambularem, pulsus mihi semper per aliquot exinde minutu tardius micabat. A majoribus dosibus dolor frontis gravatus, levi cum vertigine, molestabant. Tantum autem absuit, ut somnum inducerent, ut potius usque ad multam noctem fugarent.

Eo plus temporis et laboris in hac re posui, quod ex tot experimentis de opio habitis nulla mihi videbantur satis exponere mutationes, quae a diversis ejus dosibus in pulsu fani hominis fiant. Ab exitiali dosi pulsus magnus,
paulatim

paulatim rarer, et tandem sub exitu vitae intermittens evasit *. Adolescentulæ, dum a sesquidrachma laudani liquidi sopita jaceret, pulsus plenus, tardus, at aequalis fuit †. Denique, in eo consentiunt fere omnes auctores, quod ex ea ejus dosi, quae vim veneni habet, pulsus tandem fiant lentiores. Si Doct. Whytt fides habenda, perpetuum est, ut in apoplexia omni, a narcoticis non ortis, pulsus finem versus crebrescant ‡. Ex pulsu igitur aliquando causa soporis apoplectici dignosci potest.

Graves inter medicos controversia fuit, utrum vis cordis ab opio minueretur, necne. Nempe Hallerus, postquam suis et aliorum experimentis cognovit, cordis actionem caeteris functionibus superstitem esse, et post abolitum etiam intestinalorum motum eam renovari posse, creditit ab opii quoque viribus immunem persistisse §. Huic ve-

ro

* Alston, Med. Ess. vol. 5. a. 12.

† Whytt on Vit. and Invol. Motion.

‡ Whytt Phys. Ess.

§ Mem. sur les part. sens. et irrit. t. 4. Profitetur idem illustr. auctor, se nunquam eo pervenire potuisse, ut canem opio necaret; atque inde argumentum suae opinionis desumit, quod quam ineptum sit declarant experimenta Doct. Mead et Bard, quorum utsique suum canem confecit.

po refragantur Doct. Whytt, et clarus adhuc praecellens Monroii nostri experimenta. Cordis ipsius externa facies infuso opii aquoso demersa est; non ita multo post, vim omnem contrahendi amisit *. At pauxillum ejusdem infusi in venam abdominalem ranae instillatum, simul ac interiorem ejus superficiem attigit, multo citius eundem effectum praestitit †. Demonstrant quidem Monroiana experimenta, interiorem superficiem, tum arteriarum tum maxime cordis, vehementer ab opio affici, et exinde totum corpus in consensum trahi. Exempta enim medulla spinali, aut discissis, quae ad inferiora membra tendunt, nervis; utroque in casu evenit, ut infusum opii convulsiones, paralyssin, et mortem inferret. Comperit Whytt, cor ab opio non tam cito in eis ranis quiescere, quibus medulla cerebri atque spinae antea detraicta fuisset: Atque inde sibi persuasit, effectus opii non nisi per nervos ad sanguiferum systema propagari. At non satis animadvertisit, quod in ranis revera accidit, sanguinis in extremis vasibus circuitum pariter et actionem absorbentium fere statim cessare, postquam cerebrum et medulla spinalis fuerunt exempta. Quum vero hac substantia, quae consensus nervosi sola origo est, destructa, effectus opii cum toto corpore com-

unicarentur,

* Whytt Physiol. Eſt.

† Eſt. Phys. and Lit. vol. 3. art. 13.

municarentur, sequitur ut aliqua pars opii per absorbentia in sanguiferum systema intrare possit. Probabile tamen est, nervos praecipue vim opii et pati et communicare. Quantumcunque enim ejus in circuitum recipiatur, id solummodo agere credo stimulando nervulos, qui intra cor va- saque sanguifera distribuuntur. Quinetiam, quanta vi et celeritate in nervosum genus agat, aliis ejusdem praecl. Anatomici experimentis pulchre ostenditur. Norat ipse futurum esse, ut nervi suscipiendis et transmittendis impres- sionibus inepti mox evaderent, si sanguis ad eos progre- diens ex toto intercluderetur. Quamobrem expeditissima usus est methodo opii sic adhibendi, ut pro certo cognos- ceret utrum ab opio, an propter cessantem sanguinis cir- cuitum, rana interiret; scilicet, exsector corde, guttas xxx infusi opii in abdomen indidit: Hinc ante elapsum spa- tium, quo animal sine opio emortuum fuisset, convulsio- nes et paralyсин subsecutas observavit.

§ 2. *Animum hilarat.*—Mira adeo, et fere singularis est haec opii vis, ut jure quidem Sydenhamus praestantissimum cardiacum esse statueret. Quocirca Turcae atque iis vicinae gentes, quibus vinum potare religio est, suum Maſlač ex opio confectionum in deliciis habent. Eo, tan- quam merum ingurgitassent, commoti bellis atque peri-

culis

culis intrepide se objiciunt. Hic vero notabile est quo ferat et quantum consuetudo. Mahumetes isti scrupulo vel ultra devorato ne minime quidem afficiuntur: Solita vel plusquam solita quantitate ad Martis Venerisque praelia incitantur. Qui autem ex Europaeis opio minus dediti sunt, his granum unum vel duo animi tranquillitatem et placidam quietem conciliat: Et si dosis ultra quam satis sit ad hunc effectum consequendum progrediatur, eos ad vitae munera exequenda omnino ineptos reddit. Quintam admodum adaucta dosi delirium, et deinde sopor apoplexiā referens, superveniunt. Nimii autem opii heluones eadem fere incommoda quae ebriosi patiuntur. Desinentem enim ejus energiam excipiunt tremores, cephalaea, stupiditas, debilitas, et moestitia. Quod de vino idem de opio experimur. Non omnes homines temulentii ex vino iisdem pathematibus afficiuntur; nonnulli moesti, alii iracundi, alii hilares†. At in primis horis hilaritas multo saepius quam morositas utrumque sequitur cardia-
cum.

Fertur etiam opium vehementer ad venerem ineitare,
Nil mirum est quidem quod mentem dum erigit, ad vo-

Iuptates

† Cullen Mat. Medic. De Gorter Medic. Dogmatic.

luptates disponat. An igitur credenda est anilis ista historia de Turcarum priapismo, quam graves autores ab Ephem. German. transcriperunt? De virtute ejus spermatopoiea aliqui hallucinati sunt. Sed hujusmodi ineptias lubens praetermitto.

§ 3. *Sensum obtundit.*—Hunc effectum in humano corpore praefstat opium, sive ventriculo ingeratur, sive in alvum ex inferiore parte immittatur; eo tamen discrimine, quod major ejus quantitas per clysteres injiciatur oporteat, ut parem effectum in hominibus edat. Experimenta de opio in variis animalibus capta, summam, ab externa ejus applicatione,

† “ Ad Hungariae oppidum Lewentz trucidati olim Turcae viriles scaphas erectas rigidasque habebant, ex opii usu, quod in praelium ituri ad animositatrem et audaciam acquirendam largiter deglutiunt.” Tral. usus op. pars I, p. 130.

“ Habet opium, nisi me omnia fallant, cum reliquis aphrodisiacis quae stimulantia vocamus, hoc commune, ut primo impetu excitatam forte et coactam venetrem urgeant, postea autem languorem ad opus venereum, nulla arte corrigendum, relinquant.”

Ludwig. Adversar. vol. I. p. 513. Vide si etiam Hoffman. oper. tom. V, de opiat. operatione.

applicatione movere possent expectationem. Siquidem super integrum ranae cutem infusum aquosum opii impositum, cum movendi, tum sentiendi facultatem abolere potest. Potentius autem agit si ad internam cutis superficiem admoveatur†. Ex quo usus opii primum innotuit, vim ejus extrinsecus admoti anodynam auctores pro concessio sumebant. Quare celebrata fuerunt linimenta atque varia epithemata, quae opium habent. Quorum tamen efficaciam, quantum ab ipso opio pendet, recentiores medici in dubium revocarunt. Alstono dictum est, opium si extrinsecus admoveatur, discutit, dolorem levat, somnum infert; imo eosdem fere effectus edit ac interne assumptum. Idem vero auctor opium circa manum ligavit, atque ibi diu detinuit, neque quicquam ab eo effectum percepit ‡. Sic Bergius “Opium, externe cuti applicatum, agit stimulando et insimul sopiendo. Si diutius supra cutem manet, rubedinem vel vesiculos excitat, ubi nimirum cutis tenera est opiumque recens ||;” Insuper Cel. Chirurgus Louis, ex multorum experimentis id saltem colligit, quod opium cuti impositum dolorem partis non mi-

†

C

nuat.

† Cl. Monr. Exper. 4. et 6. Phys. et Liter. Est. v. 3. A. 13.

‡ Edinburgh Medical Essays, v. 5. A. 12.

|| Mater. Med. tom. 2.

nuat†. Evidem fatendum est, linguam, nares, oculos, et nudatam cutem stimulare. Annon vero post finitum stimulum possit etiam naturalem harum partium sensum habetare, restat inquirendum. Solent chirurgi Londinenses opium cum cauteriis potentialibus miscere, atque ita horum irritatio, uti creditum est, lenitur; salva tamen vi caustica. Hanc vero praxin nonnulli inutilem existimarent. Quo rectius de hac re judicarem, utrius simul brachio epithema causticum applicavi, quorum unum caustic. lunar. pulv. gran. iii. glycyrrh. pulv. gran. iss. alterum caustic, lunar. gr. iii. opii pulv. gran. iss continebat. Ex utroque dolorem urentem percipiebam: Id vero, cui opium admixtum fuisset, aliquanto minus molestum. Detractis post quatuor horas emplastris, apparuit illud sine opio confectum, potentius multo, et profundius subjacentes partes exedisse. Unum ulcusculum post crustae separationem lotione saturnina fovebatur; alterum solutione opii aquosa. Haec dolorem statim excitavit, qui tamen paulo post, citiusque quam a saturnina lotione penitus cefavat. Quicquid autem sit, de externo opii usu statuendum, procul omni dubio verum est, id intus sumptum sensus

† Recueil de pieces qui ont concouru pour le prix de l'Acad. Roy.

de Chirurg. Vide etiam Plenck observat. Chirurgic.

fus plus minusve, pro ratione quantitatis assumptae, obtundere, largamque dosin nunquam non eos penitus abolere.

§ 4. *Ventriculi et intestinorum actionem reprimit.*—Vere quidem de anodynis praedicavit Celsus dicens stomacho aliena esse. Namque opium devoratum, ut semel ventriculi interiora attigit, protinus vim suam exercens sui ipsius et ciborum concoctionem impedit. Adeoque mediante quem primum offendit ventriculo, vis opii in reliquum corpus, maxime in nervosum genus, brevi diffunditur. Hac ratione id agere declarant phaenomena et in vivis et in mortuis observata. Plerumque enim de anorexia, et ventriculi gravitate post assumptum opium conqueritur. Dypsedia quoque eorum, quae ejus usum sequuntur, fere constantissimum est incommodum. Pari autem ratione qua ventriculi actionem imminuat, ciborum hebetat appetitiam: Quam ob causam, Indi ad Gangem accolae, cum nuper horribili fame devastarentur, magno id pretio conquirebant †. Canis grana triginta opii devoravit; exinde alte dormivit; at post sex horas elapsas, ventriculo refecto, opium apparebat vix uno grano diminutum ‡.

Hic

† Kerr, l. c.

‡ A. K. Boerha. Impet. fac § 437.

Hic ventriculi torpor facile cum reliquo ductu alimentario communicatur. Plerumque igitur a parvula dosi alvus tarda; a nimia ex toto suppressa est. Quod ex desperito intestinalium motu proxime pendere docent sectiones brutorum animalium, quae opio sopita sunt †. In his enim non modo plerumque elanguet motus, sed vix aut ne vix resuscitatur stimulis admotis.

§ 5. *Excretiones omnes praeter expirationem cohabet.*—
 Opium acrimonia sua et nauseosa amaritudine efficit, ut si quis id paulisper mandit, saliva copiose profluat, et vomitus etiam aliquando moveatur. Paulo post autem oris siccitatem, interdum cum siti creat. Mucus faecium et tracheae parcus fecernitur, aut certe non excreatur. Bilis quoque et urinae, quantumcunque earum a sanguine separantur, receptaculis propriis continetur: Atque adeo in fectis animalibus vesica fellea et urinaria distentae saepe conspicuntur ‡. Interea vero expiratori insensibili tam egregie favet, ut vis ejus diaphoretica ab omnibus concelebretur. Et hoc quidem cacteris praestat diaphoreticis,
 quod

† Sprael. Exprim. circa venena Exp. 15. et sequent. apud Haller, Dist. pract. V. 6. Hall. de Corp. Human. irritab. in Comm. Contin- genf.

‡ Sprael. Exprim.

quod neque nauseam moveat, neque nimis urgeat sanguinis circuitum; sed summa vascula potissime relaxet: Ideoque si cum emeticis aut diaphoreticis, quae fortius stimulant, conjungatur, tolerabilius, tutius, et potentius remedium hoc pacto praebet. Cum sudore quoque interdum punctiones cutis et aspritudines excitat, nec infrequenter inter primos ejus effectus aliqua quasi puncta in cute, maximeque in facie, sentiuntur. Quod ad cutis affectionem attinet, videtur miliariae speciem referre, et in iis praeceps casibus proclivem esse, in quibus bene largae doses exhibentur; utique si multus diu sudor calido regimine foveatur. Exstat singularis ad hanc rem pertinens historia hominis spasmo correpti, cui post multum opii assumptum superveniens miliaria ab intermissione opio evanuit, resumpto recruduit †.

§ 6. *Motus voluntarios sedat, et soporem plus minus profundum inducit.*—Censebat Doct. Young, caeteros fere effectus opii a somnifera virtute explicandos; inconsiderate tamen, quum, fatente ipso, saepe vigilias, maximeque in assuetis hominibus protrahat. Ut plurimum quidem somnus, aut somno similis quies, citius seriusve ab opio conciliatur.

† Confer Trallei us. opii. p. i. pag. 138. Lon. Med. Obs. et Inq.

liatur. Si vero homini vim opii nondum experto detur exigua ejus quantitas, illius et corpus et animus mutationes, quales supra retulimus, prius subeunt; et post aliquot horas, maxime autem circa horam decumbendi, arctior eum quam solebat somnus complectitur; aut somniosa, at dulcis quies permulcet. Eidem homini, si nimiam quantitatem largiaris, citius nunc alto sopore sepultus corruit; qui tamen neque in hoc casu tanquam primarius effectus censendus est, quippe quem antecedunt plerumque delirium, paralyasis, et interdum convulsiones.

§ 7. *Respirationem modo citiorem, modo tardiorem facit. Calorem corporis in sanis hominibus neque multum minuit, neque auget, nisi immoda dosi exhibeatur.*—Postquam soporem perperit, spiritus jam, uti alias in somno, profunde et tardiuscule trahitur. In apoplectico isto sopore, qui iniquam ejus quantitatem insequitur, respiratio gravis et laboriosa est, interdum cum rhoncho. Caeterum ex debita dosi, dum vigilat homo, spiritum fere ad normam sanitatis reddit accipitque. Post devoratum quidem opium, brevi manentem sensum coarctationis circa collum thoracemque multi percipiunt; eodem tempore cursus sanguinis per pulmones celerior esse videtur. Doct. Bard etiam agnoscit, respirationem initio tantillum citatam: Postridie autem tardam, cum suspiriis et anxietate, evadere expertus est. Prior

rum medicorum de hac re doctrinas parvi facio, quia magis quod quisque sibi persuaserit fabulatur, quam quod evidenter comperit, fideliter exponit. Quibus enim persuasum est, sanguinem ab eo rarefieri et vehementer promoveri, hi respirationem valde citatam et difficilem ab opio semper fieri affirmant. Contra qui vim ei tribuunt spissandi sanguinis, respirationem absolute et omnino tardiorrem produci, necessario contendunt. Calorem corporis quoque pro sua quisque opinione aut minui aut augeri praejudicat. At nemo quidem nunc dierum, opinor, induetur ut credat paucula opii grana sanguinem protinus spissare, aut rarefacere posse. Simul ac granum unum aut duo in ventriculum recipiuntur, faciei ruborem et tillationis aut punctionis molestiae sensum, ego aliquique plures experti sumus. Quicum in quibusdam facies turgida, oculorum fulgor aut dilatatio conjunguntur, ut non inepte dicatur opium sanguinem ad caput deferre. Nullum, quod sciām, extat experimentum ex quo colligere licet, calorem corporis fani ab opio multum minui aut augeri. Evidēt vapor, qui de summa cūte ab opio relaxata exhalat, prohibere potest, quo minus ascendat calor ad thermometrum. Post immodicas doses, ut sanguinis circuitum, sic calorem animalem insigne, et invicem respondentes mutationes, subire probabile est.

C A P U T III.

Quibus in morbis opio medici utuntur, proxime indica-
bo. Cum vero usus ejus tam late in medicina pateat, ut
si summas rerum tantum attigero, in nimiam molem o-
pusculum hoc exresceret; eos potissimum morbos putavi
considerandos, quos, quia pyrexiam habent comitem, acuti
nominantur.

Febres intermitentes.—In his curandis proposita sunt re-
dituro occurrere paroxysmo, aut praesentem sic moderari,
ut paroxysmus atque morbus felicius ad exitum perdu-
cantur. Haec vero proposita, modo non obstat diathesis
phlogistica, aut in visceribus congestio, per ea exequimur
remedia, quae vasorum actionem vel vigorem augent. Ex
quo apparet, ut sileam causas debilitantes, quae paroxys-
mum excitant, quantum ad has febres constituendas con-
ferat debilitas. Et quo magis elucescat opii stimulatrix,
ac adversus debilitatem febrilem praeponens virtus; id
etiam locum in hoc albo remediorum obtinuit. Antiqui-
tus quidem theriaca, aliaque id genus alexipharmacica, Ga-
leno auctore, adhibita fuere. Operaeque pretium est vi-
dere

dere quam valde Sydenhamus, parcus et si eorum fautor effet, Alexipharmacis opiatis confidat; quorum scilicet auxilio inveteratas quartanas depellere tentavit †. Postea vero praevaluit cortex Peruvianus, nec debitum suis laudibus fraudandus. Caeteris autem auxiliis quandoque opus est, quae vim ingruentis paroxysmi debellare, viamque ad usum corticis parare possint. Hoc consilio, opium duplice ratione adhibetur. Et primum celebris apud Gallos olim medicus Berriat id utile invenit, in iis potissimum paroxysmis, qui vehementer rigore et tremore invadebant. Idemque monet, ut ante accessionem assumatur, spatio unius horae accurate interposito: Ita enim paroxysmum ex toto saepe prohiberi. Si maturius apyrexiae tempore usurpetur, curationem frustra esse: Si, durante paroxysmo, periculofam. Aliquot post annis evulgatus Lindii libellus exposuit non modo tutam, sed etiam perutilem opii in ipso paroxysmo exhibitionem. Docet enim, id quod permultis experimentis se reperisse profitetur, haustulo paregorico semihora post stadii calidi ingressum dato, fieri et mitiora praesentis paroxysmi symptomata, et perfectiorem exinde intermissionem; adeo ut minor corticis quantitas, quam alioquin res exegisset, curationem absolvat‡. Neque quid

†

D

incommodi

† Vid. Sydenh. method. cum cautelis in oper. Sect. I. cap. 5.

‡ Essay on the Diseases of Europe in hot climates, App. ed. 1768.

incommodi ab opio expertus est, aut metuit, nisi jam occupavit delirium, quod et si opio non augeri contendit, scite tamen monet curationem, donec id desiderit, differre. Similiter sub caloris stadio vel accedente horrore datum successisse alibi traditum est †. Et novissime Dom. Duchanoy Parisiensis suas ostentat curationes ejusdem ope remedii, bihorio ante accessionem adhibiti, expeditas ‡. Sed, ut verum fatear, ulteriorem indagationem res desiderat, ut probe dignoscatur cui febris speciei, et quo tempore maxime conveniat hoc remedium. Namque Berriati methodus, ut quaedam interdum commoda praestitit, sic interdum non cuisse lego: Et illam Lindii parum votis auctoris respondisse suspicor propterea, quod de pervicacia intermittentium querelae audiuntur passim, narcotici eorum remedii laudes fere nusquam. Est autem ubi intermitentes, vel intermittentium aemuli paroxysmi terrore aliisve animi perturbationibus excitantur, quibus, si tardius subvenitur, consuetudo vim et pertinaciam addit. His opum videtur esse accommodatissimum ||. Foeminam novi,

quae

† Murraili appar. Medicam. v. 2. Eodem modo a praeclaro Gregorio patre in Nosoc. Edinb. quondam adhiberi solebat. Brandreth. Diff. Inaug.

‡ Mem. sur l'usage de narc. dans les fievres intermitt.

|| Vid. Tralles, p. 2. cap. 2. sect. 4.

quac febre, in calidis regionibus contracta, et inde in typum quotidianum degenerante, per multos annos laboravit. Ærumnis domesticis pariter et morbo nullis victo remediis confecta, medentes obnixe rogavit, ut parvula sibi dosis opii concederetur; neque tamen impetrabat, metuentibus iis dyspepsiam, bilis, et nescio quid humorum ad viscera congestorum. Amicus meus eruditissimus clementior illis, quum cognosceret febrem bene mane reddituram, animique perturbatione semper aggravatam, aliquando etiam interdiu excitatam, guttas xx liquidi laudani hora decumbendi sumendas suasit. Infomnem fere noctem ducebat; at, quod mirum, febris nec mane salutavit nec toto die rediit. Sensim aucta dosis pacatores produxit somnos, febremque aequa prohibuit. Demum usu opii, ne in consuetudinem abiret, interpellato, paroxysmi, rariores licet et mitiores, recruduerunt.

Febris continua τυφωδεις. Quicunque notas typhi singulas accurate perpendat, huic nullum, ut opinor, remedium magis sece commendaret quam opium; utpote cum vires, animumque ad tempus erigat, pulsum reddat majorem, anxietatem levet, somni solatium policeatur, imo fere omnia febris symptomata levando aptum esse videatur †.

Et

† Vid. Boerh. Aphor. 631. et sequent.

Et seculo quidem superiore usurpari coepit, invalescente
tunc apud medicos opinione malignitatis, quam alexiphar-
micis, et bezoardicis, in quibus opium semper fere deli-
tuit, subigere conati sunt. Sydenhamus autem, remedia
id genus improbando videtur sua auctoritate effecisse, ut
opium quoque minus in febribus exinde adhiberetur. E-
tiam si enim paregorica tantum, ut nemo magis, laudaret,
eis tamen nunquam utebatur, antequam febris a primo
suo impetu inclinata fuit; nisi diarrhoeae pertinacioris fis-
tendae, aut tumultus sedandi causa, quem ipse excitasset.
Boerhaavius, et si vim opii stimulatricem agnovit, qua mo-
tum circulatorium intendat; idem tamen calori febrili op-
ponenda fuasit diacodiata. Quod praeceptoris sui moni-
tum ita explicat Suietenus, quasi nunquam initio febris
usurpanda censeret; at, caeteris incassum adhibitis, tum
demum ad ea confugiendum esse †. Delirio quoque fe-
brili Sydenhamus plenam opii dosin largitur, si, evacuan-
tibus praemissis, delirium per plures dies faeviret, aut post
duodecimum diem oriretur. Itidem recentiores animad-
verterunt, non alio citius remedio leniri istud ex febre na-
tum delirium, quod nec aucta pulsuum celeritas neque fig-
na phrenitidis comitantur. Hujusmodi delirium interdum

sub

sub febris synochi vel typhi decursu occupat; maniae si-militudinem prae se ferens, et, veluti mania, largas opii doses saepe desiderat †. Quinetiam in decursu petechialis, aut gravioris alicujus typhi, si nimis fusa sit alvus, opio tunc opus esse plerique existimant ‡. Si vero dictata eorum audiamus, qui maxime auctoritate inter medicos antehac pollebant, opii in febribus usus per angustis terminis circumscribitur; cum potius periculis progrediente morbo contingentibus, aut discedente relictis mederi, quam ipsam febrem depellere, sit creditum. Imo non defuerunt, qui ab omnigena febre id proscribunt. In his Hoffmannus, Tralleiusque, de vi rarefaciente hallucinantes, usum ejus reformidarunt. Quod Hoffmannus parce ac restrictive in plerisque morbis opio uteretur, immodicae, quam de li-quore suo anodyno fovebat, opinioni aliqua ex parte tribendum est. Quos igitur non magis idoneos in hac cau-sa habeo testes, quam infensum opii inimicum Stahlium. Satis jam gravibus medicis probata est doctrina, quae febris naturam in debilitate ponit. Haec vero debilitas, secundum corporis oeconomiam, spasmodum extremorum va-forum accersit. Spasmi sic excitati pertinaciam facit

vis

† Cullen. Praelection. Practic. vid. etiam Stork, An. Medic.

‡ Sydenham, sect. I. cap. 4.—Swieten. Comm. in Boerh. Aph.

722.—Pring. le Obs. p. 3. C. 7—Stork An. Med. 2dus.

vis contrahendi in arteriis omnibus supra modum adaucta. Et quo pertinacior ex hac causa spasmus sit, eo propius ad synochae speciem accedit febris; eoque alienior opii usus. Siquidem stimulo suo protinus novum dat impe-
tum sanguini, qui ad cerebrum congestus turbas inde cie-
re potest, subsequente cum diaphoresi, si qua forte dia-
phoresis per vascula nedum facile cedentia expectanda sit,
vix compensandas. Itaque, primis synochi diebus, si ad-
est diathesis phlogistica, dum evacuantibus opus est, ab
opio abstinentur conclamat omnes. Longe autem dis-
similis est ratio ejusdem synochi in posteriore suo stadio
spectatae. Enimvero post aliquot dies vis ista arteriarum
atque adeo sanguinis impetus effringuntur, jamque unice
superest typhus; cuius si causam proximam hacte metho-
do explorabis, vix ullam praeter debilitatem invenies.
Siquidem vis contractionis in arteriis spasmodum facit in
extremis vasculis pertinaciorem; illa diminuta, hic solve-
tur. Esto quod valida vasorum actio aliam habeat cau-
sam, aliud sui sustentaculum praeter spasmum; cessantis
tamen renixus ratio non alia, ut opinor, reddi potest quam
totius corporis debilitas *. Itaque huc redit quaestio, an
febrili debilitati conveniat opium? Id ut credat animus
sequentibus inclinatur argumentis.

1776,

* Vid. Cullen's First Lines, vol. I. paragr. 63, and 64.

1^{mo}, Pulsus, etsi paulisper ab opio cerebriores, non ita
multo post ampliores evadunt.

2^{do}, Proinde vasorum actionem facit liberorem, prohibetque quo minus recidant spasmus et renixus. Sicubi enim incidat citra renixum spasmus, ad eum levandum caeteris quibuscumque antispasmodicis longe praestant *.

3^{to}, Tuta ac commoda opii in febribus intermittentibus administratio hanc nostram sententiam tueri videtur.

4^{to}, Vini cum opio comparatio et illius notissima utilitas.

Non sum nefcius quam male audiat apud aliquos opium, quasi excretiones cohibendo, sitim augcret, et decretorias febrium purgationes impediret. At nemini hodie persuadent, ut naturalem exitum gravis febris ignave exspectet, si quid ad manum auxilii est, quo decursus ejus praecidatur. Nonne autem mille aperiuntur in cute fores per quas profugiat peccans materia? Quod si per hoc cribrum semicocta colari non potest, nihil est quod timeas; mox alio fortasse dilabetur, aut malignus hostis in carcere suffocabitur. Sedulum testor practicum, qui in

hunc

* Cullen. Mater. Medic. de opio. Young on opium, p. 161.

hunc modum de hac re differit. In ephemera puerperarum (a weed), seu ea ab animi perturbatione, sive ex perspiratione cohibita oriatur, matura et fatis magna opii dosis praesentissimum aliquando remedium est. In diuturnioribus etiam et pejoris indolis febribus, ubi aegrotans pervigilio, dolore, vel multa exinanitione debellatur; tunc quoque tantum abest ut crisi obfistat, ut potius vires sustentando eam promoveat *. Non adeo importunam credo fore sitim, quam gignit opium, quin debitissimis potiis expleatur, aut levi somno fallatur. Quod si praeter expectationem succedant insomnia molesta, cephalalgia vehementis, vel arida cutis cum pulsu crebriore, non infisendum est temere in ejus usu; at potius, si stimulantibus opus est, vino utendum. Sunt enim, nec pauci, ita natura comparati, ut difficulter opio affuescant, minimasque doses moleste ferant. Vinum autem perpaucorum gustui ingratum, aut naturae alienum est. Acida quoque et aquosa parte intime dilutum ita temperatur, ut minore cum incommodo id experiaris, si qua phlogistica labes, uti non infrequenter accidit, in typho lateat.

In iis autem febribus, quarum solutio exinanitione aliqua nititur, anceps vel plane nocivum est. Neque ideo

ad

* Young on Opium.

ad graviorem puerarum febrem convenire creditum est, nisi adsit post debitas evacuationes nimia irritabilitas, vel alvi dejectio, quo in casu emeticis coniunctum opium exhibere licet †. Id quoque erratico thoracis dolori mederi dicitur, si cum assafaetida miscetur ‡.

P H L E G M A S I Æ.

Harum quidem ances remedium est opium. Auctores tantum non omnes, quanquam aliter atque aliter de viribus opii, proximaque inflammationis causa sentirent; nihil tamen fecius existimarunt id esse alienum. Quod si unquam immānis, et caeteris remedīis invictus dolor periculum ejus facere coegerit, perexiguas quidem doses, hafque cunctanter atque trepida manu praebuerunt. Ac, ne vanae theoriae timorem tribuas, quoties quis audacior mediocres doses, saeviente inflammatione, exhibuit, plus ille damni quam fructus exinde percepisse, profitetur ||. Ut non sine aliqua ratione pronunciaret expertissimus Young

†

E

nocerç

† White, Leake, and Hulme, on Puerperal Fever.

‡ Hulme, l. c.

|| Pringle, p. 3. cap. 2 — Young, l. c. § 4.

nocere id omnibus, quos missio sanguinis adjuvat †. Non ideo defunt, qui vim opii sedantem solum spectantes, paucisque exemplis nixi, speciosam adstruxerunt theoriam de opii usu in morbis inflammatoriis ‡. Quamqua digna sit accuratio examinare, si spatum esset, non recusarem. In praesentia autem “verum invenire volumus, non tantum quam adversarium aliquem convincere.” Nec multis et exquisitis rationibus opus est, ut ostendatur opium adversari consiliis, quibus ad depellendam inflammationem praecipue utimur. Jam satis manifestum fore opinor opium ea dosi acceptum, qua quisque bene sanus medicus id accipiendum vellet, praeter sedantem vim, stimulantem quoque exercere, et hanc maxime in arterias. Quidquid autem arteriarum motum jam ante nimis vehementem intendat, alit vitium. At objicit aliquis, vis sedans subsecuta, stimulum et opii, et morbi delere potest. Satisne hoc certum? Quid enim, quod brevi tantum spatio fortius micant in fano corpore arteriae, deindeque elanguefcere videantur? Ecquis praevidere potest, quatenus haec incitatio inflammatorum vasorum progrediatur; annon ea potest in discrimen suppurationis vel etiam vitae adducere?

Quantum

† Lib. cit.

‡ Remmet Thes. de Us. Opii in morb. inflammatoriis.

Quantum vero suppurationem promoveat, ab ejus usu in variolis est discendum; quo tamen in morbo, nisi ad quintum, vel sextum potius diem id differas, non aliud feceris quam si fomitem foco admoveris. Imo tantum abest, ut vim motumque vasorum semper reprimat, ut intendat, et stabilit: Quemadmodum fit in ista Necrosios specie saepe senibus, semper extremis partibus corporis infestam; quam, nisi debitam vasorum actionem excitaret, cito lethalem redderet †. Denique, ut auctores, qui ad firmandam theoriam proferuntur, huc appellemus: Quid sibi velit Huxhamus? Quid Haenius? Hic uncias quinque, vel sex olei lini cum grano opii, aut uncia una diacodii, subinde dedit, et saevas pneumonias sublevavit. Elegans quidem hic, et grati faporis haustulus, ad movendum stomachum alvumque peridoneus, quemque, si forte alicui persuadeas, ut ebibat, magnum aliquid praefiturum speres licet, modo fatis ante sanguinis fuerit emissus; neque id praefidium, quod volo notatum, citatus auctor neglexit. Huxhamus vir gravis robusto cuidam pleuritico octodecim sanguinis uncias opportune mittendas curavit; indeque, levato dolore, aeger e lecto surrexit: Mox autem epoto multo pomaceo in graviorem febrem cum atroce lateris tormento,

et

† Pott's Works.

et pectoris angustiis recidit : Ad scalpellum recurritur, et ter intra nycthemeram vena pertunditur ; eodem quoque tempore ingentem sanguinis copiam extussiebat aeger. Interea majusculas et crebras opii doses ingerebat, multumque ei tribuit, quasi sine quo periisset aeger. Ipse tamen singulare dicit hoc exemplum : Tantumque abest ut opium in peripneumonia liberalius eo commendet, ut ingentes doses prorsus interdicat; exiguae non ante permittat quam sanguis fatis abundanter detractus fuerit, aut exscreatio cum importuna tussi aliquandiu perstiterit. Et notatu quidem dignum est, quod tussis mitigandi causa, opiata refractis admodum dosibus praescribat †. Sin De Haenio fidem habeamus, opium, cum emulsis aliisve remediis sic datum, ut ejus tantilla pars quavis hora sumatur, pulchris iis caret effectibus, quos idoneae doses, longiore intervallo repetitae, praestare solent ‡. Minus etiam ad rem pertinet Storkii testimonium. Hic peripneumoniam exanthematicam vel miliariam, utram harum sit non bene perspicio, tractat : Circa crisi opium exhibit : Inde exanthematicis prorumpentibus febris atque dolor levantur. An igitur

† Huxham on Fevers, and Observations on the Air and Epidemic Diseases. vol. 3.

‡ Rat. Medend. v. 1. de variolis.

tur ipse auctor opium pneumoniae remedio fore colligit? Minime quidem †. De opii usu in variolis, unde aliud pro antiphlogistica ejus virtute argumentum, posthac dicetur. Hic autem operae pretium est animadvertere, hunc morbum, si naturalis sit et vehemens, certa habere stadia, quorum unumquodque medicinam caeteris alienam desiderat. In primo diathesis phlogistica praevalet: In secundo debilitas, et hoc stadium saepius et maturius forsitan supervenit, quam plerique crediderunt. Quinetiam, quo vehementior sit diathesis phlogistica, eo citius finitur. Hic vero morbus Sydenhami temporibus valde malignus erat; ideoque probabile est diathesin priorem maxima ex parte decessisse priusquam is usum opii instituere solebat.

V A R I O L Æ.

Opii in hoc morbo usum, et si Mortono aliisque ante eum medicis collaudatum, Sydenhamo tamen hodierni maxime referunt. Is in specie confluente incipiebat, et ad undecimum usque diem pergebat laudanum suum, vel maxime syrupum de meconio, prima vespera quotidie praescribere:

Ab

† Ann. Medic. Imus.

Ab undecimo die mane et vespere id repetere solebat. Quin et in discreta quoque specie, si circa octavum morbi diem facies non intumesceret, pustulis interim satis dense se exferentibus; sed flaccida esset, et pallerent pustularum interstitia, paregoricum e vestigio hauriendum praecepit. Neque ante id stadium prohibuit, si nimiis vigiliis aeger turbaretur. Et quo majorem opio conciliaret gratiam, asseverat id nunquam ptyalismum cohibere, at potius cohibitum revocare, aut certe malis ab ejus defectu ortis mederi. Junioribus autem, nisi spasmodis aut pustulis mali moris tententur, opium non aequa convenire arbitratur; cum in somnum magis propensi sint, et diarrhoea iis siti possit, non absque damno †. Qui a Sydenhamiana praxi aliquantulum deflexerunt, opium tamen retinuerunt. Idque divinum remedii genus Friendius aestimat, depressas ante maturitatem pustulas elevando, delirium, et caetera inde orta mala avertendo, apprime idoneum: Ac sputa ne minime interim reprimere confirmat ‡. Item Meadius tutum commodumque dicit, si post finitam eruptionem sit adhibitum §. Sydenhamus, et magis etiam

Mortonus

† Sydenham. oper. sect. 3. cap. 2.—Sect. 5. cap. 4. Dissert. Epist.

‡ De purgantibus.

§ De variolis et morbillis.

Mortonus alvum, quantumvis ob diuturniorem opii usum, et ex natura morbi, adstrictam movere nolebant; tamen, ut ipse fatetur Sydenhamus, sub ultimis morbi diebus haud raro accedit alvum ita constipatum esse, ut tum vero suffocetur aeger, et pene de eo conclamatum videatur †. Quod incommodum praevidentes medici nunc fere omnes statuunt alvum subinde subluendam, adhuc maturescientibus pustulis. In secunda etiam febre, sive ea phlogistica sit, sive putrida magis, alvo liquata perinde opus est. Medicamentum non aliud opio valentius est, si pustulae parum elevatae pallidaeque tardius maturescunt. Si pulsus debilis cum refrigerio corporis, urina tenui et aquosa, aut ventris fluore; quicquid horum est ad opium, nulla interposita mora, confugiendum est ‡. In hanc sententiam concedunt prope omnes, nec refragari videntur Tissotus et Simponsus §: Qui tamen ejus in secunda febre usum vituperant, et inter maturandum parcus exhibere volunt; ea praecipue de causa, quod alvum et salivam cohipeat, aut humores summam cutem versus nimis promoveat. Quomodo adstrictionem alvi praecaveamus, jam supra dic-

tum:

† De Feb. putrid. variol. confluent. superven.

‡ Confer Huxham on Fevers, Young on Opium, Tralles. p. 2. § 1.

§ Tissot de Variolis, &c. apud Sandif. Thesaur. Medical Esse.

tum: Et si quid periculi sit, ne saliva in statu morbi compescatur, huic malo subvenire licet per lene aliquod emeticum vel catharticum. Neque contemnenda praestat in lenioribus casibus commoda, quum suppurationi pustularum faveat, et molestias levet: Idcirco Tiffotus ipse, quod mireris, exiguum opii puerulis permittit; caeterique minus iniqui judices justas ejus doses in omnibus fere casibus, qui remedio indigent ullo, largiuntur. Quorum tamen haec monita sunt notatu digna.

1mo, Ne opium ante adhibeas, quam pustulae omnes prodierunt, nisi ex diarrhoea, vel alia quacunque causa, vehemens aboriatur debilitas. Puerulis quoque, qui convulsionibus crebris atque validis aliquandiu ante eruptiō nem corripiuntur, satis magna opii dosis unicum remedium est *.

2do, Sub id morbi stadium quo pustulae desiccantur, si subsint tumor faucium, spiritus difficultas, aut cum valido pulsu delirium, opium interdicere oportet, aut certe exinanitiones debitas ei praemittere.

R U B E O L A.

Conser. Sydenh. diss. Epist. Praecl. Cullen. First Lines, § 631.

R U B E O L A.

In hoc, aliisque nonnullis exanthematis, subest materia acris per sanguinis circulum diffusa, quae canales nimirum, nisi narcoticum nostrum occurreret, irritare posset. Prodest etiamnum magis ad tussim atque diarrhoeam ; quemadmodum illa in initio adest, post eruptionem, maximeque post desquamationem molesta esse saepe solet, pneumonica mala excitans, aut certe exasperans. Hoc consilio, si primis morbi diebus, vel ubi diathesis phlogistica praevalet, opio utaris, exinanitiones debitae praemitti debent †. Plerumque tussis adeo importuna est et vehemens, ut vires admodum exhauriat ; inde vultus pallidus, vox debilis, habes oculorum acies. Ægrum in has angustias redactum opii justa dosis mira cum celeritate saepe liberat. Alvis supra modum liquata vires consumendo efficit, ut papulae tarde appareant, aut maturius evanescant. Opium fere unicum hic remedium est, cum alvum potentius cohibeat, diffusilique suo stimulo corpus reficiat celerius, quam aliud quodlibet medicamen, quoconque id titulo magnifice effteratur.

†

F

HÆMORRHAGIÆ.

† Young, l. citat.

H A E M O R R H A G I A E.

Haemorrhagiae spontaneae multum inter se differunt. Aliae, quas activas vocant, diathesin inflammatoriam habent causam atque comitem; et a pulsu frequente validoque dignoscuntur. Contra, aliae ex stimulo non inflammatorio, et atonia praecipue vasorum unde sanguis effundit, pendent. Pulsus in hoc genere quam in priore minus validus, at frequentior, pallidior vultus, profluvium copiosius, et signa debilitatis gravioris inde supervenientis. Plerumque symptomatica est, et activam saepe excipit *. Multum refert, ut haec genera vel stadia discernamus; namque opium in priore plane nocivum est; in posteriore praestantissimum; quum vasorum, quae sanguinem fundunt, irritabilitatem minuat, eorumque adeo contractioni det spatium. Duo saltem casus sunt, in quibus usus ejus aperte indicatur. Scilicet in haemoptysi, quia molesta saepe tussis vasa pulmonis distrahit: Ibi, ratione diathesis phlogisticae prius habita, opium prodeesse potest: Ad hemorrhagiam in mobilioribus, et spasmo obnoxiiis feminis, ubi dolor et debilitas, id unicum fere remedium est.

CATARRHUS.

* Cullen's First Lines;

C A T A R R H U S †.

Catarrhus, sive frigore sive contagione exortus, opium saepe desiderat. Sed spectanda sunt stadium, et vis morbi. Inchoantem catarrhum cum lassitudine, sternutatione, pulsu parum vel solummodo vespere citato, dosis una vel altera haud infrequeiter solvit. Procedente morbo, si superveniunt pneumoniae vel cynanches signa, pulsusque validus; tunc sanguinis missionem res exigit, et opium plerumque nocet. Est autem, ubi tussis vehementius quam pro gradu inflammationis urget; diuque post hanc de-pulsam supereft: Quibus in casibus expedit tantis ejus do-sibus quotidie uti, quantae secretionem muci, et irritatio-nem possint minuere; namque a nimia atque diurna secre-tione in senescentibus catarrhus senilis; ex irritatione per-petua haemoptysis, atque phthisis in adolescentibus, fere oriuntur. Videtur securior esse opii, in primis stadiis, ex-hibitio, si aut lenibus sudorificis conjungatur ‡, aut pul-mones vapore aquae calidae simul foveantur §. Poten-

tius

† Cullen. Clasf prima Ord, 5. genus 42.

‡ Pringle's Observations, part 3d, chapter first.

§ Mudge on the Catarrhal Cough.

tius proculdubio inveterascenti catarrho opitulatur, si exercitatio commoda assiduaque, et vesicatoria vel fonticuli in auxilium advocantur. Perpetuum est ut opium, modo justa fuerit ejus dosis, excretionem reprimat; quare plerique medentes id reformidarunt, cum uberiora sputa catarrhi, uti et plerumque pneumoniae solutionem indicent. Sed tenendum est, quod, quanquam sputa paucisper post assumptum opium sistantur, postea tamen propter remoram crassiora et copiosiora rejiciantur, et id quidem leviore molimine. Nonne autem convenit per paulo longiora intervalla in catarrho, quam in aliis morbis, opium repetere, ut spatium detur rejiciendi muci, qui congestus fuerit? An trochisci bechici cum opio, vel similes formulae, quae paulatim deglutiuntur, aequa profint, ac certae doses certis intervallis adhibitae?

D Y S E N T E R I A,

Saeva in hoc morbo tormenta et frequentes dejectiones opium postulare videntur: Ac medici complures id vel ab initio male praebuerunt. Quum vero retentae sint plerumque alvi faeces naturales, quibus ejectis, et labes intestinorum, et dolores felicius quam per breves, quas o-

pium

pium dat inducias, discutiantur; fatius est curationem a catharticis instituere *. Peracta tamen purgatione, si dolor adhuc urget, nec pyrexia adest vehemens, convenit opii tantas doses interponere, aut cum ipsis evacuantibus miscere, ut intestina citra obstitutionem sedentur. Laudantur quoque medicamenta e tartaro emetico, vel ipecacuanha cum opio composita, quae, quia cutem verius humores determinant, intestinis levandis, et pyrexiae minuendae apta sunt †. Dysenteria, quae calidis in regionibus graftatur, maturiorem ejus usum, auctore Lindio, exigit ‡. Interdum hic morbus specie diarrhoeae ingreditur; quod ubi accidit, modicae opii doses quaque nocte, vel ab initio permittendae sunt §. Hoc Cleghornii monitum est, qui tamen id prohibet, dum vehemens pyrexia adest: Sed ad inveteratum jam morbum, praemissis evacuationibus, liberalius adhibere solebat. Tormina compescunt, et crassorum intestinorum constrictionem solvunt clysmata, quoque immitti possunt, demulcentia; queis adjectum fuerit laudanum,

* Vid. Baker de Dysenter. Tralles, Zimmerman, et auctores ab his citat.

† Pringle on Diseases of the Army.

‡ Diseases of Europeans in warm Climates.

§ Cleghorn on Diseases of Minorca, Hillary on Diseases of Barbadoes.

laudanum, vel simile opiatum †. Alvi etiam laevis qualis dysenteriam excipiens diu vexare solet, cum adstringentia atque tonica, tum opiate postulat, in quibus confectio Japonica, et discordium primum obtinuerunt locum. De his autem, quod et de aliis opii formulis, dicendum sit, observemus oportet, quod eorum effectus vix ultra decem horas supersint; quapropter plus semel in nycthemera repeti debent, ut laxitas corrigatur. Expedit quoque fortasse opium ea forma dare, qua facillime in ventriculo solvatur; quocirca pilulae saponaceae nonnullis maxime arrident.

Hactenus de praecipuis morbis phlogisticis, qui opio mitigantur, aut depelluntur: Caeteros permultos, quibus divinum hoc remedium dicatur, persequendi hic non locus est. Mens fuit de variis opii dosibus, et medela eorum, qui nimis largam quantitatem devorarent, paucis disquirere; sed utraque res difficulti multo, et incerto negotio implicatur. Profundus ob opio natus sopor non alio fortasse auxilio citius discutitur, quam vomitu. Quinetiam, si solida id forma devoratum fuerit, optandum est, ut ventriculus tarde solubile venenum rejiciat. Sed musculi deglutitioni

† Pringle, l. c.—Doct. Donald Monro on Diseases of Milit. Hospit.

titioni famulantes, necnon fibrae oesophagi et ventriculi resolvuntur. Itaque parum valent medicamenta emetica. Reliquum est ut experiamur methodum, quam praeclarus noster Monroius solet suggerere. Introducto scilicet tubulo, per oesophagum immittenda est abunde aqua, vel similis, qui facile parabilis sit, liquor; deinde fistula pneumatica, *syringe* dicta, exantletur iterum atque iterum liquor, donec probe eluatur stomachus. Quod ad caetera excitantia satis diserte cecinit Poëta.

Καὶ σὺ δὲ μηκανος κιβληγονού ὅπποτε δάκρυ

Πινασίν πεπυθοί καθυπνεας

Αἰψα δὲ τοι δ' ἐκκτερθε δικ ρεθος εγρεο πλησσων,

Αλλοτε δ' εμβοσσυ. ὅτε δὲ κινσσονται μαλασσων,

Οφρα κατηβολεων ολον δισ καιμα κεδασση,

Τημος δ' εξερυγησιν αλεξομενος κακον αλγος.

Nikander. ALEXANDER.

F I N E S.



